

Հաշվետվություն

2024 թվականի հոկտեմբերի 9-ից 11-ը Ղազախստանի Հանրապետություն
կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Արամ Գուգարաց, Կադաստրի կոմիտեի ղեկավարի տեղակալ,
Լևոն Պողոսյան, Կադաստրի կոմիտեի ղեկավարի խորհրդական
Արմեն Գրիգորյան, Կադաստրի կոմիտեի արտաքին կապերի վարչության
գլխավոր մասնագետ:

2. Գործուղման վայրը և ժամկետները.

Ալմաթի, հոկտեմբերի 9-ից 11-ը:

3. Հրավիրող կողմը.

Ղազախստանի Հանրապետության թվային զարգացման, նորարարության և
օդատիեզերական արդյունաբերության նախարարության գեոդեզիայի և
քարտեզագրության կոմիտե:

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ԱՊՀ մասնակից պետությունների գեոդեզիայի,
քարտեզագրության, կադաստրի և երկրի հեռահար զոնդավորման միջպետական
խորհրդի XLVI նստաշրջանին:

5. Քննարկված թեմաները.

Նիստերի օրակարգն ընդգրկում էր հետևյալ հիմնական թեմաները.

- ✓ ԱՊՀ մասնակից պետությունների գեոդեզիայի, քարտեզագրության,
կադաստրի և երկրի հեռահար զոնդավորման միջպետական խորհրդի XLV
նստաշրջանում ընդունված որոշումների կատարումը, ինչպես նաև նախորդ
նստաշրջանից հետո ԱՊՀ մասնակից պետությունների քարտեզագրական և
գեոդեզիական ծառայությունների իրականացրած գործունեությանը
վերաբերող հարցեր,
- ✓ Երկրատարածական տվյալների և ծառայությունների կիրառման
առանձնահատկությունները,
- ✓ Հերթական նստաշրջանների միջև ընկած ժամանակահատվածում
Քարտուղարության և միջպետական խորհրդի աշխատանքային խմբերի
գործունեության արդյունքները,
- ✓ Մոսկվայի գեոդեզիայի և քարտեզագրության պետական համալսարանի
(МГИИГАиК)՝ որպես գեոդեզիայի, քարտեզագրության, կադաստրի և երկրի

հեռահար զոնդավորման բնագավառում կադրերի պատրաստման համար ԱՊՀ մասնակից պետությունների բազային կազմակերպության գործունեության արդյունքները,

- ✓ Գեոդեզիայի, քարտեզագրության, կադաստրի, տարածական տվյալների և երկրատեղեկատվական տեխնոլոգիաների ոլորտում ԱՊՀ մասնակից պետությունների բազային գիտատեխնիկական կազմակերպության («Ռոսկադաստր» հանրային-իրավական ընկերություն) գործունեության արդյունքները,
- ✓ Գեոդեզիայի, քարտեզագրության, տարածական տվյալների, երկրատարածական տեխնոլոգիաների, Երկրի հեռահար զոնդավորման, կադաստրային հաշվառման և անշարժ գույքի նկատմամբ իրավունքների գրանցման ոլորտներում ԱՊՀ մասնակից պետությունների միջև մինչև 2026թ. համագործակցության միջպետական ծրագրի կատարման ընթացքի վերաբերյալ հաշվետվության համաձայնեցումը,
- ✓ Գեոդեզիայի, քարտեզագրության, տարածական տվյալների, երկրատարածական տեխնոլոգիաների, Երկրի հեռահար զոնդավորման, կադաստրային հաշվառման և անշարժ գույքի նկատմամբ իրավունքների գրանցման ոլորտներում ԱՊՀ մասնակից պետությունների միջև մինչև 2026թ. համագործակցության միջպետական ծրագրի օպերատորի կանոնադրության հաստատման վերաբերյալ հարցեր,
- ✓ Գեոդեզիայի, քարտեզագրության, տարածական տվյալների, երկրատարածական տեխնոլոգիաների, Երկրի հեռահար զոնդավորման, կադաստրային հաշվառման և անշարժ գույքի նկատմամբ իրավունքների գրանցման ոլորտներում ԱՊՀ մասնակից պետությունների միջև մինչև 2026թ. համագործակցության միջպետական ծրագրի կատարման միջոցառումների պլանի հաստատման հարցը,
- ✓ ԱՊՀ տարածական տվյալների ենթակառուցվածքի գեոպորտալի էլեկտրոնային ծառայությունների գործարկման ապահովման նպատակով բաց օգտագործման բազային և թեմատիկ տարածական տվյալների հավաքածուները հաստատելու հարցը,
- ✓ «ԱՊՀ մասնակից պետությունների տարածական տվյալների ենթակառուցվածքի գեոպորտալ» տեղեկատվական համակարգի կանոնադրության հաստատման հարցը,
- ✓ Միջպետական խորհրդի հաջորդ նախագահողի ընտրության, Միջպետական խորհրդի XLVI նստաշրջանի ամսաթվի և անցկացման վայրի վերաբերյալ հարցերը:

6. Հանդիպումները, ելույթները, բարձրացված կամ քննարկված հարցերը.

Միջոցառման մասնակիցներին ներկայացվեցին Միջպետական խորհրդի նախորդ նստաշրջանին հաջորդող ժամանակահատվածում Կադաստրի կոմիտեի կողմից իրականացված միջոցառումները: Զուգահեռ ընթացող աշխատանքային խմբերի նիստերում քննարկվեցին էլեկտրոնային ծառայությունների գործարկման ապահովման նպատակով բաց օգտագործման բազային և թեմատիկ տարածական տվյալների հավաքածուները, մոդելները հաստատելու և այլ կարևոր հարցեր: Տարածական տվյալների ենթակառուցվածքի աշխատանքային խմբի նիստի ընթացքում ներկայացվեցին տվյալների հավաքածուները հաստատելու վերաբերյալ հայկական կողմի առաջարկները, օրակարգային հարցերին վերաբերող փաստաթղթերում կատարվեցին խմբագրումներ, սահմանվեց հավանության արժանացած բազային և թեմատիկ տվյալների ցանկը հետագայում փոփոխելու հնարավորություն: Միջպետական խորհրդի անդամ պետությունների պատվիրակությունների ներկայացուցիչների, Միջպետական խորհրդի քարտուղարության, «Ռուսկադաստր» հանրային-իրավական ընկերության, Մոսկվայի գեոդեզիայի և քարտեզագրության պետական համալսարանի (МИИГАиК) ներկայացուցիչների մասնակցությամբ ընթացող նիստի շրջանակում քննարկվեցին համապատասխան ոլորտներում կատարված աշխատանքների ընթացքը, նախանշված միջոցառումների իրականացմանը վերաբերող հարցեր: Հայկական կողմի առաջարկությամբ փոփոխվեցին օրակարգային հարցերին առնչվող փաստաթղթերի նախագծերում առկա որոշակի դրույթներ և ձևակերպումներ: Մասնավորապես Գեոդեզիայի, քարտեզագրության, տարածական տվյալների, երկրատարածական տեխնոլոգիաների, Երկրի հեռահար զոնդավորման, կադաստրային հաշվառման և անշարժ գույքի նկատմամբ իրավունքների գրանցման ոլորտներում ԱՊՀ մասնակից պետությունների միջև մինչև 2026 թ. համագործակցության միջպետական ծրագրի օպերատորի կանոնադրության և տարածական տվյալների ենթակառուցվածքի «գեոպատրոսալ» տեղեկատվական համակարգի կանոնադրության նախագծերում վերաձևակերպվեցին կամ հանվեցին մասնակից պետությունների ներքին իրավական ակտերում փոփոխությունների իրականացում ենթադրող ձևակերպումները: Վերստին ընդգծվեց միջպետական խորհրդի կողմից նախաձեռնվող ծրագրերի, իրականացվող միջոցառումների մշակման փուլում անդամ պետությունների օրենսդրական կարգավորումները հաշվի առնելու, ներպետական իրավական ակտերում նոր փոփոխություններ նախատեսող դրույթների շուրջ քննարկումներ ծավալելու և փոխհամաձայնեցնելու անհրաժեշտությունը: Պատվիրակությունների անդամների հետ շփումների, առանձնագրույցների ընթացքում քննարկվեց երկկողմ և բազմակողմ հետաքրքրություն ներկայացնող հարցերի լայն շրջանակ:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Որոշվեց ԱՊՀ մասնակից պետությունների գեոդեզիայի, քարտեզագրության, կադաստրի և երկրի հեռահար զոնդավորման միջպետական խորհրդի հաջորդ՝ XLVII նստաշրջանն անցկացնել Ղրղզական Հանրապետությունում: XLVI նստաշրջանի արձանագրությունը հայկական կողմը ստորագրեց վերապահումով (արձանագրությամբ նախատեսված միջոցառումների իրականացմանը իր ազգային օրենսդրության համապատասխան մասնակցելու և արձանագրության յուրաքանչյուր կետի իրականացմանը մասնակցություն ապահովելու մասով առանձին որոշում կայացնելու վերաբերյալ):

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Ղազախստանի Հանրապետության գեոդեզիայի և քարտեզագրության ոլորտի իրավասու մարմինների ներկայացուցիչների հետ քննարկվեցին համապատասխան ուղղություններով երկկողմ համագործակցության ընդլայնման, առաջավոր փորձի փոխանակմանն առնչվող հարցեր: Պայմանավորվածություն ձեռք բերվեց ակտիվացնելու մասնակից պետությունների միջև միջգերատեսչական շփումները, համապատասխան ոլորտները ներկայացնող մասնագետների մասնակցությամբ առավել հաճախակի կազմակերպել առցանց միջոցառումներ:

9. Ստորագրությունը, ամսաթիվը:

Արամ Գուգարաց
Լևոն Պողոսյան
Արմեն Գրիգորյան



15.10.2024 թ.